



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛХАД НАДИБЕРҢА

СИ" ИВ ЯЛХАНА НОПОЙ" СЕРТАБИВА"

Мэбета вадава" ила' панан' етри' мэква"! НЯРЬЯНА НЭРМ



№ 1 (5275)
2026 по'
январь иры'
3 яля
СУББОТА

Российская Федерация Ямало-Ненецкий автономный округ



Сидяңг: Лилия Артеева' тавы

Нэрм' ява"
падтамби

3

Ямал Ири ханяри' тэворҕась

Нямэхэна Ямал Ири' конкурс нась. Хусувэхэт яна" тигъывна нэдалёрманда нерцю" сертабасетыда. Тюку по' сянакудо' видео" сер' манэ"лабтавы" нацекы" җани' җокацъ. Сюд-бяко тобатана еся ханхананда юкад вата сиднет пир" марк", нюдяко хардаха" тэворҕась. Наңэдя җарка певдей иры нэдалёрмаримда мэ"җась.

Ямал Ирим' ханярина ёльце җатевэдонзъ. Е"эмнянда пихина паской" хадыцито' хэвхана ма"люрҕацъ, стихотворения ваде"җацъ, нито' нуди җобт' ня"махая хадымдо' сюртемба сёкоци мэ"җацъ. Нэдалёрманда мальҕгана тецьда" нув" я"авла лададонзъ. Мальцятнари", панытанари" ниць ханивор". Җадьбята җод" лаханасеты": «Ты' хобахад сэдыбада" җамгэри" харто' сава". Тарця емб-дьяро мэта ненэцъ' тецьдахад ехэра". Мидерта ирива" җод" җани' мадавэхэ"на падтавы ёря мальцям', пива мэ"җа. Сямянхат сомбой Тецьда Ири! Ханда мюня ниня терсялворта падм' пэмбюрҕа. Җопой җудамда паданда мю' паклесетыда: хуркари сянаку, хамбетки, паднабцяңо, тамна җани җаво тюхулцеты.

Нерня Нядаңгардан' нэдалавыць. Җани" хардаха" тэворо"манда пуд Саляңгардавна җадимась. «Геолог»м' нубета мяд' хэвхана марад' тер ма"ламбись. Тарана" тарабцом' е"эмнянда манэ"лабтацъ. Тикахад җацекэхэ" җуда' тер мипа пясъ. Тю"у' пирмдавы я' ни ненэй", хаби", луци" еркарро мэ-таку" танаңгацъ. Иримдо' севол-



Сидяңг: Анна Яптик' тадавы"

манзъ сюрамбари миҗацъ. Ня-нанда тадаңгурҕацъ. Ханяңы" сертавы" сянакудо' нянда мипиць. Падкудо', ненадумда"ми падродо' ня"амба ванеребтё' хэвхананда нуць. Пайдэхэбидо' няръяцъ, сензиңгацъ. Тарем' сырап", хусувэйдо' ёльце майм-бись.

Җопой ненэй не' няхар" не нюда конкурсхана мэвыць, сянаку сертабавыць. Тецьдандо' помна мято' терҗэ җобкана җудито' тер ня"муванзъ то-выць. Нисяндо' еркар Морозов. Небядо' җавнанда Хорэ-лись. Владимир няби Юлия манзараванди' хавна нюди' нерня' пэрҕаха'. Няхар" сядо-

та не нюди' ёльце пэдаваку", нисяхаюто'-небяхаюто' тотрев' варемдо' мэ"җа", хуркари" конкурсха"на мэсь пэрҕа". Җарканди' ю"пода. Ёнэйнди' самляңг пода. Нюдяконди' няхар" пода. Небядо' ма"нисяв: «Нюни пирдырмаха"на мэван' җоб" харвасеты", пуня' сяхаңгарт' нисеты" җа". Ханяхавана нерня' хэвамдо' намдбато' нули" майм-басеты". Теда' ня"мавы җудато' терха" җани' нули" майдацъ. Манзаидо' ивьер' сертабидонзъ. Ямал Ирим' манэ"ма нянандо' илека».

Едэй по' няю' ирива" ненэцяңг" тарем' лаханась: «Тюку похона мал' сензда"



Сидяңг: Фёдор Воронов' тадавы

җада". Илра" сава җэя, сямян җамгэра" мась җэя, сертавы" серода" тамна җока" җэя". Мэван' харвана" манзаида" тид" миҗая", мэвэңэ хэя". 2026 пом' сававна мэква"».

Анна Яптик' падвы

Тюнтавам' мэ"мы"

Ненэй ненэ-цяңга"на тую-гава, нем' мэва, едэй мяд' терм' хосаява невхэ-хэд саць җарка сер"җэ толы.



2 стр. җа

«Яндо»' мяд' ервха'

«Яндо» нубета җэсы Тасу' я' няна, Хальмер" Седе"э' харад' хэвхана җа. Юнамди' мякананди' мядомы" җаха" тэ-воладо'.



4 стр. җа

Майпёш шана'куш"

Җашкиуде" нельшут чики дядямтоң җэ-таҗатоньш. Кудкади" мэкат паныдю" мэш утренникан тоңаш".



6 стр. җа

Тюнтавам’ мэ”мы”

Ненэй ненэця”на тюнгава, нем’ мэва, едэй мяд’ терм’ хосаява невхэхэд саць жарка сер”нэ толы. Тюку илауганана” мяд’ тернэ хэвандэ” харто’ нидо’ хомбидо’. Нисянадо’, небянадо’ е”эмняндо’ нидо’ тасламбю”.

Хой’ тер”, пэдарэ’ тер” иле ня”аманда хэвдамдо’ ты пэртэ” сянакова яляхана хомби”. Тедахав’ интернет’ мутравна нобтики нидо’ торомдамби”. Навна тарця вунися жа”: илебей хасава няби пирибтэ тамна ниди’ ехэрасетвыди’. Нем’ мэвам’, тюнтавам’ мэ”мам’ жарка” ненэця” тасламбавэдо’. Пирибтэ’ мят’ тона нэвтана хонаркосетвы: «Тэнакосавэй нибям’ мэтадава” шоржава”». Юнрабзонда хара тарця нэвы: «Сэдора теневана недава” шоржава”». Нэвтава, тюва’ яля сава нумд’ ерембата серо”мы, тикахана мяд’ тернэ хэвэхэ’ ябдаугуху’.

Невхэнда тотрев’ мюсерта хасава яланда иле нидэ пирас”. Ноб”нэ мэбта мятэ мюй тецнгу, ембдэртэмда сэдунандада янгода. Небямда нядабаданэ мякандэ хибяхав мел”, и сава, пэдава нем’ тэвработэ тара. Теда’ ненэй ненэця” невхы мэсыдодо нэдэйдо’, харто’ серто’ сер’ тюнтабидо’ нани’ мэ”ядо’. Хардахана нэда” ненэй” мяка”на ма”люржа”. Тарем’ Сёяхахана «Лэё» общественной организация’ харта мятэ тания. Тики мяканандо’ мале жока тюнтавам’ мэ”наць.

Тандая’ пона” пудана вэкана танияна сидэ тюнтавадо’ нэвы. Тодо” яляха”на сидэ ты пэртэ хасавам’ Павел Жокадэтам’ няби Сергей Жокадэтам’ нелевыць.

Павел няби Дарья небяхаюти’-нисяхаюти’ тотрев’ вынганэ илежаха’. Сидэ по’ тяхана ниди’ торомдавэхэ’. Нямэхэна носиндалава’ ирыхына «Госуслуги»’ сер’ вадам’ нэдаравэхэ’. Таславы яляхананди’ нити’ ня’ хардан’ товэхэ’. Тад’ нерня’ иламди’ ханзер” минревади’ пыди’ няриданди’ перенгу. Сергей няби Елена нани’ нопой недам’ нёдалмэхэ’. Хасаваюм’ Пэ сая’ тер. Неюм’ Сёяха’ вымна мюсермы. Ниди’ хо”махаданди’ нобкана иле таславэди’. Тюнтавамди’ мэ”манзь мятэ тер”, теневана” ниди’ мал’ товы”.

Хасаваха’ недамди’ мэ”махаданди’ харти’ мядоди’ мяраугуху’, харти’ тыди’ мэтжаха’, пухуцити’ ня’ харти’ ивнанди’ илелтыхы’, хасава нюти’ сояб”, мякаюти’ ту ни хабтёд”. Тю”уй сюрням’ ха”молана нехэ’ мядоти’ мюй нямгэри пэртажаха’, сэдораугуху’, навар пирембаугуху’, нацекыди’ вадабаугуху’.

Падродо’ сертаванзь Ямальской район’ загсхана манзарана нем’, Алиса Яковлевна Сэройм’ хамы”. Пыда едэйвана мяд’ тернэ хэвэхэ” «свидетельство о браке» няби «Сертификат молодоженам» ненадо падарк’ ми”мы. Нелевы ненэцие” падар’ сер’ пыхыдатэ’ сенз нэвам’ манэць пирта”.

Анна Яптик’ падвы



Сидяг’ Лариса Вануйто’ тэдтавы”

Нацекы тохоламбада” е”эмня

Округханана” «Учитель Ямала» нюбета серм’ едэй тованда похона нани’ тидхалембаугудо’. Тикым’ няд”мяць нацекы тохоламбада” нани” маркат яна” школахэ” манзараванзь туржа”.

Тарця программам’ 2012 поход минредо’. Небой по’ хэця янгамдавэдонзь. Тажок по’ ямбан’ жокаханда мале тет юр” няхар” ю” ненэця” манзаяито’ няю’ грант’ есям’ ня”амвыць.

Лимбэ’ иры’ нюртей яляхана «Учитель Ямала» программахана мэван’ харвана” пыхыдадо’ падыба пянгу”. Хусувэмдо’ конкурсной этап” сер’ манэ”сартадо’. Падродо’ официальной сайтэ’ нэдабтамбаугудо’. Математикам’, биологиям’, физикам’, химиям’, географиям’, китайской вадам’ пэрти тэрабаугу”. Тандая’ тохолковамдо’

малевы” падродо’ нани’ нэдабтамба пиртыдо’. Яна” нацекы тохоламбава’ департаменхана тарця” серо минрени саць нэтейдо’. Жарка марад” школахэ”на манзараванда” нопой миллион есям’ ня”мангу”. Нюдяко хардахэ” хэвандаха” 1,5 миллион есям’ мита”. Ханянэндо’ нерня’ ха”амвам’ мангты” иры’ юдимдей яля’ нэсонгана таслаугудо’. Тикы’ пуд Ямална” тингэвна ханяна манзаравамдо’ вадета”.

Тиканда нацекы тохоламбада” ханярина нули” тара”. Яна” жардан’ школахэ”на тарця тарана манзаям’ ня”амбада” естри’ тянёлересетыд”.

Ямалханана” 2025 похона нани” яхат товы” нацекы тохоламбадахэ” жокаханда тет юр” хасаваю” еся” няд”мам’ ми”мыць.

Руфина Окотэтто’ падвы



Интернет’ мутравна сидна” хось пиржада”, тюкон’ тудэ”.



Нэрм' ява" падтамби

Сідзюг: Лилия Артеева' тавы



Нэрм' яна" жардавна хуркари" вырэй", ва"лэй" илебей" ненэциена" таяя". Пыдо' Ямална" нямна Россия яна" тигэвна сава юнм' минре". Сёбар", сёётэй", тарана", мел" нэдакы". Поуганандо' падтагуды нани теневава". Нопойдо' – Лилия Артеева. Иланда, минрена манзаянда, мята тер" нямна хонрамбивась.

Лахана нята нями мале жока по" ямбан' Нйд' школахана манзарась. Таяяна сэдорава', жарвар пирембава' урокахана харад' тер" жацекы тохоламбись. Падтагудова' нямна нэда" теневабцудо' жобтикы няданда хомбидонзь. Манзаямда ёльце тид" минредась. Тамна «Движение первых» ненадо серкана тарась. Тохоламбадида яля' няю' нэда" серк" тидхалембидась. Теда' жацекыда сава ихина тензетембасетыда.

ХАРТА СЕХЭРЭМДА НЁДА

Вэба' ирыхыд иланда жули" несэймась. Сита тотрев' хусувэй хибяри лаكري' иламда тамбирувна несэймда нида пират". Пыда харта выравнанда харвабтана, теневаана манзаяримда пясь. Лилия тарем' ибедоржа:

–Нюдя нэвани мальнэгэхэд падтагудовам' харвабтав. Школахана янга ханяхавана тикы серт' нидамзь тохолкур". Нопой, падтагудова' урокана" минревы луци нева" си"ми сававна табедамбасеты. Сита няд"мяць жолепяха"на падтагурць тухудамзь. Тикы' хавна хадани ню" мал' харто' падтагуды пирнадо'.

Тобольск маркана тохолковани мальнэгана теневабцунин' тамна жокамдэйнась. Сямянхат нердена жолепяха"на падтавэми 2012 похона сертавась. Ненэй жарка манзаядни тасламбив. Тикы' пуд ханярина мэб"ни жод", етри'



Сідзюг: Лилия Артеева' нэдабтавы

падтагурцетым'. Сертабадини" сабе ненадоңэ нисетын тасламбю". Тэри ини харвабцоңэ мэцетын. «Падтагурцадм'... Жока яна" тер" тарем' пирнадо'. Нядандо'

хамгэхэна яугадм'? Ненэй падтагудода" – юнета ненэцяли". Мань жадимдевандами яугу", – тарем' ими ядэрцеты. Сейми пинаркасеты, ихинани тарця вадахат тосаркасетыдм': «Таросядам' сертаби».

ЯЛЯ' НЯРИ' СЫРҢА

Жобангуна нопой табеком' намдадамзь: «Мел' ненэця", тамбирувна марода" нэда" жа". Теневабцуда" пыдарира" е"эмнянда" тавы" ни" жа". Я' тигывна ненэцие" илам' савумдамбаванда е"эмня мэ"эйда"». Ти, тикахад хамедав: «Хибяхав сертавэми манэ"манда сер' сава

иңут' ха"маңгу, тарэнзяда савумда». Хар"ни пыхыдами хонрадм': «Хибяхав манзаяни" вэваңэ таслабта, падтагуды нэвадангудм'? Жамгэхэв иланганани несэймда?». «Яңго. Хуркари нэбта жод", падтагуртадм'. Нани' сер' я"мав». Тарем' харвабтана манзаями илни сернэ таслав. Падтавыни" мирдапин, таяд есядами хомбидм'. Сертавыни" ненэцяңгу" интернет' мутравна жадимдембин. Таяяна группами таяя. «Лилия Артеева|Художница с Ямала|Lili ART» нюбе"жа. Тикым' няд"мяць падтавыни" манэць пирна". Жамгэхэвм' тэмдаван' харвабто, падна".

МЕЛ' МЯТА ТЕР"

Небями - Антонина Сергеевна Артеева. Харта еркарада – Жокодэтта. Иланда ямбан' сидна" ембапасеты. Пибина", мальцина" – мал' пыда' манзаида. Сэдора, паркола хадами Светлана Ходевна тохолодась. Нюдя нэванда мальнэгэхэд нюдя жарвори, ютэи сэдыба табедамбавэда. Пивахав", панэхэв" мале школам' ёльце"махаданда паявыда. Мирдападини" поугана небяни сэдъя" таяя". Ханяңыдо' тодо" тэнз" жухуко". Ябто", нябы" пыяхат сертавы" хавна едэй" сянако сэдыби. Лапкахад тэмдавы" «кукла» ненэй ненэцяндарев' ембапида. Ной паныдо', ни' индо', нэботодо' мал' ненэйраха". Хусувэй сянакода нани сянакохо"тата яңга, жобкарт жоб" то"олсада яңгу. Жаркаюм' не нями мале жока ню' небя. Жобтикы мел' не. Нюкцида, вэсакода не няни сэдвы малыци, пиби мэ"жа". Падаркана падтагуды теневабцода нянанда ненэй жарвори сэдыба няд"маңэ тара. Ямал' соя"ма' яляхана пыди' сэдъиди' нани' мирдапинась, выставкахана жобтикы манэ"лабтамбинась.

МАНЗАИТА НЯМНА

Пудана" падтамбадида нямна Лилия тарем' лаханась:

–Теда' сертабадини" сырэй ялэ" нямна жа". Сюртявнэ матормы" паялакоци" нина падтагурцадм'. Неноховавна харпо" ялэ" падта"мини" жока". Ханяңыни" нюдямбой", нанини" жаркамбой". «Сделано на Ямале» ярмаркахана яна" тер" саву"ядонзь. Теда' мале янамбовна Ты пэрти" ялэхэ" хамекудм'. Таяяна тэмдорта" жока нэсеты". Ненадовна няд"маңэ интернетхана минрена группами мэ"жадм'. Таяяд тодо" я тер" си"ми хомби". Харвабцудо' сер' тэмдавандадамдо' тэраби". Ти, тарця манзаям' илни' сехэры' ненадумда"маңэ мэ"жадм'.

Галина Кинчина'
падвы



«Яндо», мяд' ервха'

«Яндо» нубета цэсы Тасу' я' няна, Хальмер' Седе' харад' хэвхана ца. Еркаравна нюм-девы мя" хардахад няхар" цэдалава' тяхана паллы. Мяд' ервцэ Илья Яндо' пухуцянда ня' тараҕаха'.

Тюку ненэцяҕг' нямна танияҕы я' терли" ни" тенев". Юнамди' мякананди' мядомы" ҕаха" тэволадо'. Тандая' Новой Уренгой хардан' цэдалёр"мэхэнзэ. ҕамгэ' е"эмня март' тэворо"мамди' неюм', Светлана ваде"ҕадасэ:

–Хор" ирыхына интернет' мутравна «Бизнес-Успех» премияхана тохолко пэйнацэ. Тохолкурмава" носиндалава' иры' цэсонд' цасэ. Хуркари" яхат мэна" сидна" тидхалембицэ. Нерня Ямалхад цэда сидя юр" ненэцэсэ. Тикэхэт няхар" ю" хаи. Тэравэцэ тамна' тяха' тохолкува". ҕарка пэвдей иры' нерняна Новой Уренгойа' ма"лыва". Помнана" пирдырманна" пуд юкад вата тетм' тэра". Хусувэва" инда сер' минрена серцавэсэ. Мань округна" хэвняд турта не-нэцие мядолабтамбидм'. «Лучший туристический проект» номинацияхана мэдамзэ. То-холковани ямбан', пэрта серони ваде"мани мальҕгана етри' не-нэй ембдярони серыбидамзэ. Пуна ма"ним", тованд мальҕгана мятамд тэвраин. Вэсакони' ня' мядиком' хананинзэ. Илья ню-дяко мядиком' лакри' сертасэ.

Ненадумда"маҕэ «Золотой носорог» нубета нуда' терм', тикахад «сертификат»м' тацэ. Тованда похона «стажировка»н' хандава". Сидна" ҕанисэй ян' цэдабтаҕу". Таддикахад нара' юкад вата тетҕэ Москван' хандава". Танияна мале Россияна" тодо" яхат цэда" харто' индо' сер' манзарана" тута". ҕани' помнана" пирдыртава". Ненэй ҕамгэрини', ҕаркамбой мядм' ханаҕуни'.

Тюку, то"олха серка"на мэ"мада ҕоб' яҕовысэ. Нюртей мэва тарцяҕ' еремысэ. «Яндо» цэсыда яланда по' пирт' манзаранаараха. Няданда хонаркудамзэ: «ҕани' ненэцэ' ханзер" пыхыдамда тикы премияҕ' пада пир"ҕада?» Пыда тарем' лаханасэ:

–Интернетхана ҕамдэвани сер' «Бизнес-Успех»м' манэ"ҕадм'. Пыхыдами хорацэ тасладм'. Тохолкурма ёльце сава цэ" нив". Хуркари ехэрана ҕаво тохо-ладамзэ: харе" пэрта манзаям' ханзер" нерняку' пэрацэ таравам', интернет' мутравна ҕадимдембада страницам' минревам', «искусственной интеллект»м'. Намдавы" теневабцони си"ми ёльце нядаби". Харе" пэрта ман-заянд таянб", харт пыхыдамд нерня' нирав пэрат". Яҕга хэвняд хибяхарт вуни манд": «Теда' тарем' ца", таян' хань"». Нянанд илека ҕамгэм' манэ"ҕан – пыхы-дамд падан.

Нехэна мядонди мядолаб-тамбава цопойцэ пэрма' пир"

вуни ца". «Новой Уренгой-хад мяканди' тэв"махаданди' «загс»хад няданди' хонарковы". Светлана ма"нисяв:

– Сидя ю" по' ҕобкана мэвами тенеминзэ. Тэрихив' помнани' ибедорҕанинзэ: мэтами', ними' мэт". «Загс»хад сидни' хаҕа". Хаяни'. Мя"ни тер" нини", теневанини", хахая пэртини" мал' то". «Фарфорова свадь-ба» нубетам' ҕобкана мэ"ҕава". Районана" цэвахана мэна турҕасэ. Нес ненэцяҕг', цопой илаҕгана пон' илена" ненадо падарто' таниявысэ, тикан' пидте"мини' ҕабтанинзэ. Неноховавна ня ня-даба тара. Ханяҕэхэна нянд мунд инзелеҕгун, нянд сер' цэҕгун. ҕанихина няр пыдар сит' сер' цэҕгун. Сямян ҕамгэхэна си"ми вэ-сакоми нядаби. Хусувэй ҕамгэми' ҕобнзер" пэрцетыни', ҕобкана тасламбасетыни'. Тюку илаҕгани' нини' нядаба янамбоковна тэвы-нинзэ.

Пыди едэй по' няю' хамекуху'. Мядоманзэ товандиди' ҕахакуд

тасламбихи'. Вэсакоюм' хой' някумна ты пэртя" мядо"мана цэдалёрца, пухуцяюм' мякы" ман-заида, падрода пэрца. Сяха' няби ханяд товамдо', сяҕок ненэця' тута, ҕаво манэ"ман', намдаван' харва" – мал' хонрамбиди'. Хурка тохолкови манэ"лабтамбавамда ҕобтики ҕахакуд тасламбида. Хар-вабта ни' иням' паҕгалпа, ҕухуком' сэдыба тохован' мядомандиди' харваҕодакы". ҕорта" ҕавар" ҕод" харто' пиревэцэ, тэвравыцэ вуни" ханд" – мал' харе" хамэдамбада".

Тикахад мяти' сырэй мэлва яханди' палтаҕаха', пядамди', салабадамди' мэҕгуху'. Светлана' вадавна ыланава' ялэ" ёльцяҕгана няд"маҕэ не нюди', небыда, не нида тара". Тамна цопой сита нядабадада юнета паднана не – Надежда Сергеевна Салиндер. Манзэ пэрца: «Хой' няна няд"ма тараб"нанда няни лахан". Пы-дар мят' мюй манзай пэр". Мань илна" саирм', лаханаку вадетадм', сё мэтадм'». Таремгав' тедари' мядонди сидярицэ манзая"яди', тад нерня яҕга нядаҕодадамди' хана ҕани' тасламбихи'. Нянанди' манзаравандади' харбё, ненэцяҕгана сава цэбта, ненэй илам' вадецэ пирпата тара.

Едэй похона нянда" сейхад цэда вади цэдарами: «Етри' сававна илехэва". Сензва" цэхэва". Сёнзяна" мюй" няха"на" ибэй" цэя". Вэвако" сер" сидна" хэрабтамбая". Я' ханярина ненэця" хынёси" илея"».

Анна Яптик' падвы





Хэдо

Невхы ненэця" хуркари лахарё мэ"цеты". Ѓавнанда, я' мидкана, вэвако, хэбидя хабцям' – хэдом' нюбетам' ваде"цеты. Хурина невхы хынабцахана, лаханакохона тарця иле"мя жока. Тикы хавна вэвако, хэдом' нюбета хабцягана хаңгавы манэ"мыдо', намдвыдо' таясеты". Тарця хабця' ненэць' нянзихид ѓадимы. Хурина ѓамгэв' нямна, ѓэсывна хаңгурта ѓадимбата, хэвня питарпа вэва ѓы" нив" – хэвы! Ѓармы ненэця' тарем' манзетавы". Ва"аван' юсибта-ламба, стол' хэвхана ѓавламба сава, едясяда нито' хыдя' мюд ѓопой ѓаворпато' вэва. Тарем' хаңгурта ненэцие мякна нивыдо' пэрцету", е"эмняндо' харто' мядикоядамо' мярыбавы". Яңгуво"махадандо' хэдо ѓамы ненэцям', хабцянда хэвнямна нива' хэва' ед', тэри я' ваңган' такалпавэдо'.

Ѓавхы илаңгана хэдо' хабця' ядэлаб" тада ѓэсы' тер" ѓобт' юңговормы". Мято' мюня тари ха"мидо' хаюрмы". Мядодо' ниндо' тикан' харто' серкато' хаваңгавы". Вэнодо', тыдо' тэри явна ядэртахандо' ѓамгэхэв ѓэсын' тэваңгавы", ханяңэхэна таяна хаюрцетавы". Тарем' хадкэвы ненэцие" мяды тайкумна хэрабтамбавыдо'. Ѓарка ненэцие" ва"алкана мяды тюлыба, таямна ядэрць – хэвы! Тедалахана ханяңы яха"на мюсерта ненэця" тамна тарця мяды ханяңэхэна хомби". Лаханакохона, я' ва"алкана хэдо' едтевы ѓэсыхыд хибяхав иле хаюрта яңгода ни ѓа". Тикар юнм' тай минренаңэ таславы, харта тамна нёховабта ха". Тикаңэ тамна' тяха' паңгамда вэтавандаңэ ѓэдабтамбада. Тюку ѓоб" лахарё хэдохона хаңгулавы ненэця' ням-

на ѓа. Ѓавнанда ѓармы ненэця" ваде"мы.

... Ѓоб" мяд' тер" харто' ихиндо' секадёси" илевы", мюсермы". Ѓоб" мэва' пэвсюмя' няна ѓоро"махадандо' хонаванзэятна". Илаңгы ненэця" мале юсибтэяд", ту' хэвхана Мессам' нюбета вэсако ѓамды, тунда хабтёвам' ѓате. Сабэ жо" хонаванзэятналъй", вэнода лакри' сюдбя маднэ иладо'. Нивы сярвы вэнеко" пин' тародо'. Вэсако нё' сивна сырња. Хасава нюда, Лёдвэм' нюбета, нянда вахалъй":

– Ѓамгэм' манэ"ѓан', вэнод ѓамгэн' тёры"ѓа"?

Вэсако тикарихина манэ"тада яңгу, тэри инзеле. Вэнода пихина ѓамгэхэван' ѓарна". Вэсако сейда хая, нём' талада. Синяку' хая. Ѓамгэ' ёльцягана нё' пан' ѓылмна ѓамгэхэв сыңторта ѓадимя. Вэсако таяри' сырња, ѓамгэхэртм' тикарихина хамеда я"ма. Мяд' тер" нё' сихид малнэ ямбям' намда", ѓамдё ха"мыд". Нё' сивна ѓоб" ненэця' паяндм' мэта ѓамгэхэв нялода мят' тю. Ѓамгэхэвм' хэтвап' харванарха, вадита хамедито' яңгу, тэри мулоторња. Месса вэсако нянда тёрей":

– Ябтов, пыдар теда' хибян', ѓамгэхэд хунамбин'? Вадид сабе нина" намдор", хибян' ѓэсан'?

Нё' сихина юседана ѓобкарт вадам' савовна хэта я"ма. Сята хана"ма ту' ед' манэць ѓарханда мерёхо"на синдавы, ѓули" няръя, сэвда сабе ни" ѓадю", лы ваңгхана хэвы". Нянда си' ѓарханда тэри парико"я. Ѓамгэхэрт вадам' нись

мэс", ѓудариде тай лабпи. Вэсако нюхута тарем' ма:

Тюкора", ябтов", хампюрта ненэць'. Вэвако хабцям' хэдом' мэта. Тюкора" тикы хабця' ня' сихид хэвы ненэць'. Сеня' мале таянкуна няна" ехэрана" ты' тэвыдаци", тюконд ѓэсыхыд товы" ѓэңгу". Хэвханда нёда" тэвор", хоба' мю' мань хубтыхы' ёльцянд' теда' хураңгув.

Хуныана' харта мядикодамда сертаива", таяна ха"мада ѓэбцакы. Тарця хаңгуртам' харта хаванда ёльцянд' хурина питарпа вэва. Тамна тарем' хэвэхэт иле хаюрта" таясеты".

Вэсако тикы вадита пуд хампюрта ненэцянд' идекоцям' миња. Тика"ер" идм' минханда ѓарханда ѓамада. Вэсако тикы хыдым' хибяхарт сян нива' мэма' е"эмня сея' ня' ѓабтада. Идм' ѓаво"махаданда тикадо' ѓули" харта ѓэсонда тёрылы", ѓопое манзеты:

– Нисёв, небёв, ханяна хаяда"? Нисёв, пыдар пумнани ѓани' ми"ѓанаси", теда' ханяна хаян'? Тына" ханяна хэся", вэнона" ѓамгэ ни" мадар"? Мань сямян лыни" ѓархандо' е", ѓули" ныхымы яңгу, ѓэвами ѓадараван' харва. Ѓамгэми хадкэй"?

Тарць вадита пуд вэсако идм' ѓани' миња. Мяд' тер" ненэця" маниенандо' тикы няндо' сята ѓули" няръянаңэ хая. Ѓэта ни' сянхана нулман' харбелы". Нин-

дя иняна сярвы харанда сеңгад хармда лакри' нэкалња. Сянхана харм' ня"амба тамна вэсакон' хацей" сана". Ѓавэдана тикарихина ян' монэй". Вэсако хармда мар"ѓада, ѓани' идекоцям' миња. Тиканда пуд хаңгурта вахалъй":

– Мань ѓыхы яхад миѓадм'. Сенягани мякдани хэвнямна ѓэдалёрѓадамзэ. Тад мякани тэввани тюку ѓамгэ ѓэса? Мядо" помна хаван' харвана" вэнона" варето' ядэрња". Мякат хибяхарт пин' ѓадимда яңгу. Ханми ѓэда мякни тад тювани', сейтейми хая. Мyani тер" мал' хабэйңэ юсида". Тудо' ѓаха"на хабтёвы, сэвдо' мале лы' ваңгхана хэвы", нёва" ти' сярман' тоховы. Мян"на" мюй' ѓарханда сыра, вэнона" ѓоб" тарем' тикы яхато' хавы".

Мань тикарихина тукоцям' пятадм', хан' мюд' нэкал"мы ѓамзахадни едкодми пиредм'. Тикы пуд пелей' ня' ва"авдами сертахая хонаравэв". Тад сэвни" сылабтадм', ѓамгэхэрт едясядами яңгу. Хальмяр" поңгад варени ѓамдыв". Вэнона", тына" мале ѓаха"на хавы". Мань сава панэцядми вандако' мюд нэкалка таря ян' ядалъяваць. Ханяңы иле"мини" нин ибес". Пумнани ѓамгэхэв пилипон' яднарха таянавась.

(Пелямда ѓадиманда газетыхана толара")

Раиса Яптунэ' падвы





Майпёш шана'куш'



Татма: Андрей Пяк таттамы

Ҳашкиуде" недьшут чики дядямтоң нэтанатоньш. Кудкади" мэкат паныдю" мэш утреникан тоңаш". Пюд дяхана җайта ассоциация «Ямал-потомкам!» пдицахана мансланна" дилюнатуң няш җашкиуди" празникат шедтаңаш".

Талдахана дилина" җашкиуди" дилюнатуң мят майпёш тоңаш". Ҳашкиуди" хомана ныптакомаң мэт празник' шедтамы" недьшут җанатамэт. Ыдихийтуң шед җашки

утренник' миндеш ЦНКхана мансланна" шичитоң нятапиш".

Пы'тоң җашкиуди" хынилмаң мэты" вильта шутпядс шедтаңаш". Ҳашкиуди" шанат шана'кохона" шана'куш", кынуңаш", поңкнатуң мянадыш". Чешча вайсыку ни нюнта няң утреникан тоңаханьш". Ҳашкиуди" тоходамытуң стихотворенитун вачаңаш", нятун җучи" ня'ампёш катукуң чемна тадаңаш".

Чуки похона ёлкахана дюккат вата" җашки" мэңаш". Мятунчел" җука нешади" ню" камна нешанатуң СВОхана мэна" җашкиуди" утреникан тоңаш". Таняң томы" хомана майдыт. Шана'кош хитамахататоң җашкиуде" чупей дetyпуң дет җайта мячисы" – подарки ня'амҗаш".

Маня" Пюд дяханана общественное" движение «Ямал-потомкам!» пдицахана мансланни" няш пу" тахана талдыша празником шедташту. Дety пуң недьшуна Пуровский' районхана мансланна" ТЭК дет тондюту" предприятия" чупей җашки" подаркит тэмтапёш нятакошту".



Няхалдю" хампдянк нэхэлта"

Пимшата" җалды җашки" Пуровский' районхана җука". Пюд дяханана «Молодёжный' золотой фонд 2025» нимита конкурсхана нэхэдмы" Талкан җомаш". Чуки похона няхал номинацихина - «Будущее», «Профессионалы», «Инициаторы изменений» няхалдю" хампдянк лауреат". Пы'тоң чупей Пуровский' район' ведв премиям' ня'амҗаш".

Молодёжный золотой фондхана нэхэдмы поңкна Ҳэдм' чел" неша" җупчики тадямэңаш". Иван Николаевич Пяк тренерҗэ Самбургский' спортивный' школахана мансдаңа. Пы'та Калпюлкана нешай" спортан - ха'модыш, вядкулодыш, тупкам җятпёш, шудвидыш җашки" тоходампёшту. Иван патдота" талдыша направленин' «Спорт и здоровый образ жизни» җайтаптайташ, пы'та номинацихина «Инициаторы изменений» нэхэдя. Иван чильний, шоньшата ла'та, мансдымта хомана чедимяна нешаң. Пы'та тамна нючаңэ Ҳэдм' чел" нешай" спортан тохоңаш", җукамэмаң шана'ко мянадыш нэхэдыштуш. Хомана мяналманта де'эмня шанат мэмаң чемпион'җэ кэштуш, мастер' спорта' РФ җэ тунды. Мансдың

дет Тюменский' государственный' университетхана тоходкуш, диплом' магистра ня'амҗаш. Четаң Северное многоборьең дет тоходампючета" җашкэйт" дёдыше пимши". Җукамэма нешай" спортхана нэхэдышту". Калпюлкана тренертуң мандеш җука" җашкиуди" пихиня мянадышту", шана'кошту".



Татма: Андрей Пяк таттамы

Иван маньшту, спорт' - диллаха, нешам недьняң мымпюта. Таньше Молодёжный' золотой фондхана пы'та җуп мэмаң мяналмат, недьчезей нэхэдмат.

Чуки похона Молодёжный' золотой фондхана нэхэдмы ними җашки - Павел Сергеевич Айваседо. Пы'та Пуровский' район' администрацихина җайта управленихина природно-ресурсного регулирования мансдаңа. Таньняна дям лэпёта главный специалист'җэ тунды. Павел җупчики номинацихина «Инициаторы изменений» нэхэдя, мансдымта нямна җайта «Экология» нимита направленихина. Эколог мансдың дет Тюменский' государственный' университетхана тоходкуш, четаң мансламанта камна РАНХиГСхана магистратурахана тоходку.

Пы'та җупчики пимшата, дямалана җашки, калдыта мансдымта камна җука җамым, калтана мансдым чуув паделдыш, шедташту. Павел Пюд дяханана җайта Молодёжный' советхана мэңа, таньняна нета" няш шанат проектхана" нятакошту. Пы'та Молодёжный' золотой фондхана нимимты мэмаң нэхэдмат. Чики конкурс' Пюд дяханана пу" тахана җэшту. Чуки похона маньде шичадючимты мэмаң шедтаматуң.

Тадебя Һацекеы

(Нердена пеляда небой похона
Һадимы" 50, 51, 52 номеркана
Һа")

Тадебя Һацекеы ма:

— Нябакомдо' сумда хадри'
хортанакэв. Савумдахаваб' Һани'
недани мэнгув. Тикы' тяхамна
сидя юд' мян' тым' татада".

Тад тикахад тадебя Һацекеы
вэсакон' ма:



Падтама: Руфина Окогэтто' сертавы"

— Ирикэ", тадебя паныни",
пензерми вандаку' мюд тю-
хулан"!

Тад ю" туңгус' нябаком' мят'
тюледо', ва"ав' ни' юсибталадо'.
Нябакондо' вэида юңгу", екар"
иле, екар" ха. Тадебя Һацекеы пи'
ямбан' самбада.

Хувы ялэмд Һадимгава самба-
давамда ёльцеда, манма:

— Нябаконда" сёнзьяда вэва.
Һотаҗо" ту' ядёхона юсидая. Сэв-
да харта Һадимзу".

Ненэсари Һо", Һаво" пиркана
сэвда Һадимья". Һамдё ха"мы",
ма:

— Һули" понку' хонёвэдм'.
Тад Һо" ханзер' тюку мят' ерем-
зadm'?

Һарка туңго манма:

— Тадебя Һацекеы сит савум-
дась. Тедахав' сит неданда мэнгу.

Тад тикахад ю" туңгу" сидя юд'
мян' тым' янгре": хабт' Һэдакы",
хора" Һэдакы", яхадей", сую". Тад
мякандо' хая". Ю" туңгут мякандо'
хэ"мяхад тадебя Һацекеы ма:

— Ирикэ", ямдаб"на" сава.
Тюку яхана пон' иле вуни тара".

Тад ямдэйд". Едэй яхана
Һысы". Пухуця едэй мэвы не' ня'
мяти' мер' сертади.

Тадебя Һацекеы вэсакохонда
ма:

— Ирикэ", мэ"манда вада-
ми тая. Нердена си"ив яля'
ёльцяңгана Һани' ямдаңгуна".

Һарка хой' Һэсонд' мюсеңгува".
Хоян' тэвбанана" Һэсоива".

Вэсаку Һани ха"манда? Хасава
нюнда вадам' мадабада ни Һа".

Хуняна юркыд", Һорҗа". Тыдо'
тана", мюддо' пуйдэйдо', ямдана
пядо'. Һани' няхар" писавэй яля'
мюсе". Хоян' тэв"махадандо' та-
дебя Һацекеы ма:

— Ти, ява" тюкона Һэрханю".
Тюку ями хэхэ я нив" Һа".

Пэвсюмя' няна тадебя Һацекеы
ма:

— Ирикэ", хуняна ю" туң-
гус" мят' хэин. Тарем' мандан:
«Си"ив ханм' тада", си"ив ханм'
хой' тэлан' тэврада". Тад тикахад
пухуле яхадей Һобтарем' тэвравы
Һэя".

Хуняна вэсаку тет хабтем'



ня"ма, ю" туңгус" мят' хая. Таде-
бя Һацекеы вади мал' тэврайда.
Тиканда Һарка туңгу" манма:

— Тадебя' вада' таяб" Һам-
гда вэва? Нябакова" савумдась.
Тедахав' ха"мандава"?

Хуняна си"ив ханм', пуху-
ле яхадейм' хадри' мал' тэв-
раңгуна".

Ти, тадебя' вади" сер' сертадо'.
Хой' тэлхана пухулё яхадейм'
ханҗэ хададо'. Тад тюку яхана
тадебя' мядм' мяра".

Һацекеы ма:

— Ирикэ", тюку мякана неса-
вэй илеңгодакэдм'. Пыдар Һани'
самбадабць' паныни", Һаворини"
тад нерня' харт мэид". Илар саң-
говорп" пензерми муноласьту",
мань сит нядаңгудм'.

Ти, тадебя Һацекеы харта мя-
кана, хэхэ хой' тэлхана иле пядя.
Ныхыта самбанаҗэ хая.

Та валакада.

«Ненецкий фольклор»
толаңгобць' мюд ханавы.
Таймыр' тер Яр Василий
Дмитриевич' ваде"мы, няданда
К.И. Лабанаускас' падвы

Хоркы

Һоб" Һавормава"
Нинякы Һа".
Тибяри" сябарҗа".
Сидя ёҗо"мана
Лэри" пыдара".
Һамгэ' пирхана
Нёнэхэ' помна
Сэр" хоркэця
Мят' мялкада,
Ти" ни' Һамды".
Пэдём' Һэдара.
Хухурт' ни Һа".
Лэрутахабина"
Нё' сим' пида".
Вэнекохобина"
Һоб" төрҗэ
Мядм' иладо'.
Тарць" ямбахана
Сэр" хоркэця
Серта Һоб янгу.
Сита нёдавэда
Хора ханавэй
Макода' сивна
Вырнарида хая.
Иrimi вэсако
Манзь ханада:
-Еванзадаков,
Янд ханедако
То"мада явна
Пин' Һэдарад"!
Сэхэ' ёльцяңгана
Хоркы тара,
Сит илебтеңгу.
Сидя пени' ни'
Хоркым' ня"мав,
Пин' ханав.
Нув' сармикэця
Няби хани' син'
Лахананараха,
Тарем' мандараха:
-Я' ненэцянд!
Тад нерня вы' яхананд
Хадо' вархана
Си"ми хомбаңгун.
Нарэй нумгана
Нярава едар
Ни терсяңгу".

Мань сёми

Сэройко"я
Һэвани' е"эмнёв,
Юр" Сэротэтта,
Юр" неками.

Сэройко"я
Һэвани' е"эмня,
Илевани' серэй',
Сём' мэта недэйм'.

Сэройко"я
Һэвани' е"эмнёв,
Ямалэй терэй"
Сёми' намдаҗадов".

Сэройко"я
Һэвани' е"эмнёв
Си"ми тэлаҗадов".
Һобтэй' ялэйканов".

Выңгана ныхыдырма

Сё-Яха' сэрканов
Тетэй тай сэрэй"
Хорхаңэй Һавкаңэй
Сэвэй" сёбтыдов".

Хэй, хэй, хэй-хэ-хэй.
Инзеледов"!

Сэвдов" таянҗов",
Сэвдов" мэ"җаёв",
Хаводов" таянҗов",
Хаводов" мэ"җаёв",
Ныхыдов" таянҗов",
Ныхымдов" мэ"җаёв",
Хабтада таянҗов",

Варемдов" мэ"җаёв"!

Тикыей пирдырмов,
Выңгыей пирдырмов
Нина" пэвдамбей,
Сиднов" мэйрамбей.



Ялянда сэв тю”укуна хая

Маня” нэрм’ ява” саць паской. Няби я’ пан-хана Нэдя’ тер” вынгана хаерта сэв нодь сэван’ надимья. Редакцияна” сава ня Данил Марюй вадам’ нэдарась.

Данил хахаяда яля’ харе” соя”ма яханда тэворнась. Пыда манэ”мыда няна” нэдарэйдась. Нэдалёро”мида тарем’ ваде”ядась:

– Нини” мядодо’ Ензя’ няна нэ”. Хальмер’ Седе”э’ хардахад нэдалё мале хубта. Тев’ ёльцянгана саць теци. Вэнзер” ембдэховаб” пивня ядэрма’ то”олха ни нэ”. Ненэй ненэцянгав” ёря мальцяха”нато’, со”окаха”нато’ нэмгэхэрт тецьда сиддо’ ни табламбою”. Пихиня нэмгэхэв манзаидо’ етри’ танясеты”. Нито’ мядо”мана” нэдалёрна”, поёрна”, ханянэдо’ тамна халыда”. Таняна мэвани мальнгана ялянда сэв я’ пан’ нимня нэдибелыць. Тад нерня’ ху-сувэй яля’ хаерта тю”у’ пэртада, тарем’ янамбовна ибаңэ ханда.

Пыдара” нод’ Нэдя’ вынгана ханзер” илевамдо’ нани’ манэ”нара”. Тюку” сидяңг” таняд тэвравы”.

Марина Яр’ падвы

ОБЪЯВЛЕНИЕ



СВОИХ НЕ БРОСАЕМ
ВСТУПАЙ В РЯДЫ
РОССИЙСКОЙ АРМИИ

КОНТРАКТНАЯ СЛУЖБА
6 700 000₽
ПОЛНАЯ ИНФОРМАЦИЯ ПО ТЕЛЕФОНУ
8(902)816-11-90
8(34922)3-98-08
ЗВОНОК ПО РОССИИ БЕСПЛАТНО

ЕДИНОВРЕМЕННАЯ ВЫПЛАТА НА ЯМАЛЕ
4 000 000₽
МИНИСТЕРСТВО ОБОРОНЫ
РОССИЙСКОЙ ФЕДЕРАЦИИ
contract89.ru



Ямалхана
СВО’ няна
сайнорта”
ненэцие”,
мято’ тер”
е”эмня
надимдевы”
няд”ма”



Сидяңг”: Марина Яр’ тадтавы”

Газета «Няръяна Нгэрм»	Главный редактор Яр Марина Тэтакучевна	И. о. генерального директора АНО «Ямал-Медиа» Чигиринова Елена Константиновна	№ 1 Подписано в печать 26.12.2025 г. Вышла в свет 3.01.2026 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д. 9, каб. 708).			Тираж 3600 экз. Заказ № 5 тз (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунынца, д. 1, каб. 106	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Газета выходит по субботам.	Адрес редакции: 629003, ЯНАО, г.Салехард, мкр. Богдана Кнунынца, д. 1, каб. 106 тел. +7 (349 22) 4-53-32 E-mail: nn@yamal-media.ru